

# PRĚNI LIST S. JAPOŠTOĻA PAWOĻA NA KORINTHSKICH.

## STAW 1.

PawoĻ dźakuje so Bohu za dary, Korinthskim date. ToĻa pak wobźaruje, zo je mjez nimi překora wo křícíjach, a wjeseli so, zo póslany k předowanju ewangelia je maĻo jich křící; dopokazuje, zo je mudrosć swěta začisnjena, njewučeni pak su wuzwoleni. Wumóženje je w Khrystusowej smjerći, kotrejež předowanje je swětej blaznosć, wěriwym pak móc a mudrosć; přetož šotž je wot swěta začpěte, wuzwoli Bóh, zo nchtó njeby we sebi samym so khwalił.

**P**awoĻ, powolany japoštoĻ Jězusa Khrystusa přez wolu Božu, a bratr Sosthenes,\*

2. Cyrkwi Božej, kotraž je w Korinthu, poswjećenym w Khrystusu Jězusu,\* powolanym swjatym,\*\* ze wšitkimi, kotřiž so wolaju k mjenu našeho Knjeza Jězusa Khrystusa, na kóždym měsće, na jich a našim.\*\*\*

3. Hnada wam a pokoj wot Boha našeho Wótca a Knjeza Jězusa Khrystusa.

4. Dźakuju so stajnje swojemu Bohu za was dla hnady Božej, kotraž je wam data w Khrystusu Jězusu,\*

5. Zo sće ze wšim wobohaćeni we nim, z kóždym słowom a z kóždej wědomosću,\*

6. Dokelž džě je swědćenje Khrystusowe wobtwjerdžene we was,\*

7. Tak zo wam ničo njewotkhađza na žanej hnadze, kotřiž wočakujeće zjewjenje našeho Knjeza Jězusa Khrystusa,\*

8. Kotryž was tež wobtwjerdži hač do kónca,\* zo byšće bjez winy byli na dnju přikhada našeho Knjeza Jězusa Khrystusa.

9. Swěrný je Bóh, přez kotrehož sće powolani k zjednoćenstwu jeho Syna Jězusa Khrystusa našeho Knjeza.\*

1. Thess. 5, 24.

10. Napominam pak was,\* bratra, přez mjeno našeho Knjeza, Jězusa Khrystusa, zo byšće wšitecy jenak so wuprajeli, a zo bychu rozšćěpjenja mjez wami njebyle, ale zo byšće dospolni byli w tom samym zmysle a měnjenju.

I. 1. Sosthenes bě nahladny, křescanskej wosadze w Korinthu derje znaty muž, kotryž bě, hdyž PawoĻ tónle list pisaše, w Efesu při nim. — 2. Korinthsku wosadu mjenuje PawoĻ cyrkej Božu, dokelž je Bohu swjećena přez Jězusa Khrystusa, kotryž je wěriwym swoje hnady wudžělił. \*\* t. r. k swjatemu žiwjenju powolanym. \*\*\* t. r. kotřiž w Korinthu a tež tudy w Efesu, hdžež běštaj PawoĻ a Sosthenes, do Khrystusa wěrja. — 4. Zo by sebi s. japoštoĻ wutroby Korinthskich, kotrychž dyrbješe kruće napominać, dobył, spomina najprjedy na to, štož ma na nich khwalić, na wšelake hnady, kotrež su jim wot Khrystusa wudžělene. — 5. Dwoju hnadu mjenuje PawoĻ wosebje, mjenujcy wučbu Jězusu, swjate ewangelium, a prawe rozymjenje tuteje wučby. — 6. Swědćenje Khrystusowe t. j. ewangelium, kotrež wo Khrystusu swědči a do kotrehož wy kruće wěriće. — 7. Kruta wěra plodži sylnu nadžiju na přikhad Khrystusowy, na zjewjenje jeho nětko njewidzomnje krasnosće. — 8. t. r. kotryž wam hnadu wobstajnosće dari. — 9. Bóh, kotryž je was powoĻal k wěrje Jězusowej, da wam, dokelž je swěrný, dalše dary k zbóžnosći. — 10. Po dlějšim zawodze počina PawoĻ z napominanjom; we Korinthskej wosadze běchu překory přez to nastale, zo jeni k tomu a druzy k druhemu wučerjej so dzeržachu. S. PawoĻ žada sebi, zo bychu so tajkeho stronistwa wotřekli, ewangelium kruće wěriłi a wuznawali, njech je PawoĻ, abo Apollo abo Kefas je wučil. Wulki džěl wosady měješe so k PawoĻej, druhim pak lubješe so Apollo lěpje, dokelž z wulkej řečniwosću a swětnej wědomosću swjate Pismo wukładowaše a křescanske wěrnosće rozestaješe. Židowscy křescenjo dzeržachu so zas s. Pětra, Kefasa, a njemějachu dowěry k japoštoĻej pohanow, k PawoĻej; k tymle třom stranam, kotrež přewjele na nahladnosć čłowjeskich wučerjow dawachu, přindže štwórta, kotraž, zwonkowne wučerstwo sebi maĻo wažicy, so na Khrystusa samoho powoĻa. Wěrnosće wěry pak njeprějachu so wot žaneje strony, ale buch wot wšitkich njeprēmēnite wěrjene; jeno za tym hač mějachu jeni wjetše spodobanje na PawoĻe, běchu přiwisnicy PawoĻa, druzy přiwisnicy Apolla a třeci zas Kefasa abo Pětra. Swjaty PawoĻ napomina jich, zo bych wšitecy, njedžiwajcy na wšelakich wučerjow, Khrystusej słušeli, kotryž je za nich křižowany, kotryž je jich wumóžił, we kotrehož mjenje su křćeni.